

Mandement

DV ROY, SVR LA RE-
VOCATION DE PLV-
sieurs Edicts supprimez.

*Publié en sa Cour de Parlement à
Paris, le 27. de May 1588.*



A PARIS,
Pour N. Boulet Imprimeur.

1 5 8 8.

Avec privilege dudit Seigneur.

Case

F

39

326

1588 flm

THE NEWBERRY
LIBRARY



REVOCATION

DU ROY DE PLV.

seurs Edicts & Commissions



LE R O Y en son Conseil, s'est fait rapporter plusieurs Edicts & Commissions cy deuant expediees, pour diuerses occasiōs. Et apres auoir sur ce meurement de liberte. Il a voulu pour le soulagement de son peuple, le bien de son Royaume, esteindre & supprimer de son propre mouuement, les Offices cōtenus en iceux Edicts, & reuoquer aussi les Commissions cy apres declarees, le tout en la forme & maniere qu'il est particuliculiement delacé es articles

ensuyuent.

Premierement.

L'EDICT de l'augmentation de gages, avec le tiltre de Conseiller attribué aux Lieutenans Generaux, est reuoké en ce qui reste à executer d'iceluy, sans qu'il puisse plus auoir aucun lieu. Et si aucuns desdicts Lieutenenans Generaux, ont pris ladicte qualité & augmentation de gages, moyennant finance par eux payee, pource. Aduenant vacation de leurs Estats par mort, forfaiture, ou autrement leurs successeurs en iceux, n'en seront pourueuz, ny ioyront aucunement, ains demeureront esteints & supprimez.

L'edict des Certificateurs des Criées est reuoké, excepté pour le regard de ceux qui s'en trouueront ia pourueuz & ioyssans: Lesquels neantmonis auenant vacation d'iceux par mort, forfaiture,

ou autrement demeureront supprimez.

L'edict des Controoleurs & visiteurs de Cuirs , est aussi reuoqué , excepté neantmoins pour le regard de ceux qui sont ia pourueus & iouyssans desdicts offices, lesquels sa maiesté entéd en iouyr , n'estoit que ceux des villes & lieux, esquels ils se trouueront ia receus & establis, les voulsissent rembourser de la finance qui se trouuera, auoir esté par eux payée à sadicte maiesté, auquel cas , & de vacation par mort, forfaiture, où autrement lesdicts pourueuz seront supprimez & abolis.

Les offices de Commissaires du Chastelet à Paris, venant à vacquer cy apres il en sera supprimé iusques au nombre de quatre, au lieu des quatre qui ont esté depuis quelque temps en ça , de nouueau Créés, afin de les remettre à leur nombre accoustumé.

L'edit des Commissaires examinateurs & accesseurs, en tous les baillage de ce Royaume est semblablement reuoké, & n'aura lieu pour le regard de ceux qui s'ot ja receuz & instituez esdicts Estats qui neantmoins seront supprimez, eduenant vacation d'iceux sans qu'il y puisse estre pourueuz, le semblable est ordonné pour le regatd des réceueurs alternatifs des espices.

Aussi des Clercs Commissaires du vin, de l'aulneurs de toille, & neantmoins si és lieux, où aucuns d'iceux seront ja establis & iouyssans d'iceux Estats. Le corps des habitās les veullēt rempourser de la finance qu'ils auoient payée à sa Maiesté, sans fraude & desguisement, seront lors supprimez, sans attendre la-dicte vagation.

L'edit du subside des toilles est aussi reuoké, excepté neantmoins pour

le regard de la ville de Roüen, attendu qu'il a esté constitué rente sur iceluy, à l'hostel de ladicte Ville.

L'edict de l'atribulation de Iurisdiction aux chastelains, est aussi reuoké, pour le regard de ce qui reste à executer seulement. Voulant sa Maiesté qu'il n'y ait que ceux qui y s'ont ja establis, qui en puissent iouyr, & que vacation aduenant comme dessus est dict, ladicte attribution soit supprimee, & retournée où elle se vouloit estre.

L'edict de Contrerolleur des tiltres & notifications est du tout reuoké, & sans que ceulx qui en s'ont pourueuz & receulx audit estats en puissent plus entrer, mettre ny immiscer. Ce que sadite Maiesté leur deffend.

L'edict de la Creation de Clerks des Greffes est semblablement reuoké.

L'edict des offices d'Engraisseurs, ce

luy des Adoints, & celuy des Conseillers, ioints aux Aduocats des sieges presidiaux, sont aussi reuoquez, excepté toutesfois pour le regard de ceux qui y sont ja establys & instituez, lesquels en demeureront pourueuz, à la charge de la suppression desdicts offices vacations aduenant comme dessus est dit.

L'edict portant establissement des Controoleurs de foin & de vins, est aussi reuoque, pour ce qui reste à executer, & aduenant vacation seront supprimez & toutesfois là où ceux des villes voudroient des a present rembourser ceux qui y sont establis le pourront faire, & seront par ce moyen supprimez.

L'edict de l'augmentation des Courtiers de Cheuaux reuoque au semblable en ce qui reste à executer, & n'aura lieu que pour le regard de ceux qui y
sont

font ja instituez qui seront neantmoins
supprimez vacation aduenant.

Ledit des Generaux Receueux & Contrerolleurs des deniers communs des villes, est aussi reuoqué en ce qui reste à executer, & n'aura lieu que pour le regard de ceux qui sont ja receux & instituez ausdits offices & neantmoins là où ceux des villes voudroient rembourser de la finance qu'ils monstrent auoir payée es parties casuelles de sa Majesté, sans fraude ny desguisement, demeureront supprimez, comme en tout cas sadite Majesté entend qu'ils le soyent, aduenant vacation d'iceux.

L'ediât des maistres des eaues & forêts alternatifs, est aussi reuoqué en ce qui reste à executer, & n'aura lieu que pour le regard de ceux qui y sont ja instituez, lesquelz neantmoins seront sup-

primez adueant vacation d'iceux.

L'edict des Regraciers, reuoqué en ce qui reste executer, avec suppression de ceux qui sont ja pourueuz & receuz esdites offices, aduenant vacation comme dessus est dict.

L'edict des Contrerolleurs esleuz reuoqué, excepté pour le regard de ceux qui se trouueront auoir ja financé es parties casuelles du Roy, la qualité desquels sera supprimé aduenant vacation comme dessus.

L'edict de l'attribution pour roolle aux esleuz reuoqué semblablement.

L'edict des offices de Lieutenant des Esleuz aux eslections particulieres & esleuz particuliers reuoqué en ce qui reste à executer, & neantmois venant à vacquer par mort, ou autre vacation de ceux qui en sont maintenant pourueuz & receuz ausdits offices demeureront

supprimez.

Ledit des receueurs generaulx des presidiaux, est reuoqué en semblable.

Comme celuy des seconds Aduocats aux sieges, excepté pour ceux qui se trouueront ja receux & inuituez.

L'edict de Controleur de la drapperie, & celuy des Notaires aux villages royaulx.

Plus sadite Majesté a reuoqué & reuoque les Comissions pour les confirmations des vsages.

Les commissions pour le reglement des tailles reuoquees.

Les Commissions pour Contraindre les payfans d'achepter des rentes.

Le reglement des Marchans forains.

Les Commissions de contrainctes. pour le tiercement des Greffiers des paroisses.

Les Commissions pour le faict des vsures.

L'establissement des Marchans vendeurs de toutes marchandises.

Les Commissions contre les marchans vendeurs de poisson, en semblable.

Les commissions pour l'edict des mestiers reuoquees.

Les Commissions pour la poursuite des marchans de sel.

Les Commissions expediees pour le fait des affranchissemens des mains mortes francs-fiefs & nouueux acquests.

L'augmentatation du subsidie des fermes en la ville de Paris, destiné pour le payement & rachapt des rentes.

Les commissions de contraintes, pour les confirmation des priuileges.

La commission contre les marchans de vin & tauerniers pour le fait des vinaigres.

La contraincte contre les esleuz des

eslections, & les grenetiers & con-
trooleurs des magazins à sel, pour
auoir augmentation des gaiges.

Fait à Chartres, le 23.iour de May,
mil cinq cens quatre vingt & huit.

Signé

HENRY,

Et plus bas

BRVLART.

13
pour les services de son
père, le duc de Bourgogne, pour
son service et pour le service

de son père, le duc de Bourgogne,
pour son service et pour le service

HENRY

14